

醫

林

改

錯

醫林改錯叙

余讀勲臣先生醫林改錯一書。而嘆天下事有人力
爲之者。有天意成之者。先生是書。功莫大於圖繪臟
腑諸形。其所以能繪諸形者。則由於親見。其所以得
親見者。則由子稻地鎮之一遊也。此豈非天假之緣。
而使數千載之悞。由先生而正之哉。惟膈膜一事。留
心三十年。未能查驗的確。又得恒敬公確示一切。而
後臟腑諸形得以昭晰無疑。此非有天意玉成其間
哉。至先生立方醫疾。大抵皆以約治博上卷著五十

種血瘀之症。以三方治之。下卷論半身不遂。以一方治之。並審出未病以前四十種氣虛之形症。非細心何能至此。論吐瀉轉筋。治分攻補兩途。方由試驗中來。論小兒抽風。非中風。以大補元氣一方治之。以不能言之兒。查出二十種氣虛之形症。平素細心不聞可知。論痘非胎毒。痘漿非血化。以六方治。古人不治之六十種逆痘。頗有效者。先生之書大抵補前人之未及。而在氣虛血瘀之症爲多。今特揭諸篇首。

知非子書

醫林改錯目錄

直隸玉田縣鴉鴻橋勲臣王清任著

上卷

醫林改錯叙

古人臟腑圖

親見改正臟腑圖共二十四件

會厭左氣門右氣門衛總管榮總氣府血府記

津門津管遮食總提瓏管出水道記

腦髓說

氣血合脉說

心脾不生血說

力改

通竅活血湯所治之症目

頭髮脫落

眼疼白珠紅

糟鼻子

耳聾年久

白癜風

紫癍風

紫印臉

青記臉如墨

牙疳

出臭氣

婦女乾勞

男子勞病

交節病作

小兒疳証計十九條

通竅活血湯方

血府逐瘀湯所治之症目

頭疼

胸疼

胸不任物

胸任重物

夜睡夢多

天亮出汗

食自胸右下

心裡熱名曰燈籠病

瞽悶

急躁

呃逆俗名打咯忒

飲水卽噎

不眠

小兒夜啼

心跳心忙

夜不安

俗言肝氣病

乾嘔

晚發一陣燒

血府逐瘀湯方

隔下逐瘀湯所治之症目

積塊

小兒痞塊

痛不移處

臥則腹墜

腎瀉

久瀉

膈下逐瘀湯方

下卷

半身不遂論叙

半身不遂論

半身不遂辨

半身不遂本源

口眼歪斜辨

辨口角流涎非痰飲

辨大便乾燥非風火辨小便頻數遺尿不禁

辨語言蹇澁非痰火辨口噤咬牙

記未病以前之形壯論小兒半身不遂

癱痿論

補陽還五湯

瘟毒吐瀉轉筋說

解毒活血急救回陽二方

論小兒抽風不是風可保立甦湯

論痘非胎毒

論痘漿不是血化

論出痘飲水卽瘡 論七八天痘瘡作癢

通經逐瘀湯 會厭逐瘀湯

止瀉調中湯 保元化滯湯

助陽止癢湯 足衛和榮湯

另有數論數方載于下卷之末以便對症檢用



余著醫林改錯一書。非治病全書。乃記臟腑之書也。其中當尙有不實不盡之處。後人倘遇機會。親見臟腑。精察增補。抑又幸矣。記臟腑後。兼記數症。不過示人以規矩。令人知外感內傷。傷人何物。有餘不足。是何形狀。至篇中文義多粗淺者。因業醫者學問有淺深也。前後語句多複重者。恐心粗者。前後不互証也。如今身不遂內。有四十種氣虧之症。小兒抽風門。有二十種氣虧之症。如遇雜症。必于六十種內。互考參觀。庶免謬悞。望閱是書者。須詳審焉。玉田王清任書。

醫林改錯臟腑記敘

古人曰。既不能爲良相。愿爲良醫。以良醫易而良相難。余曰不然。治國良相。世代皆有。著書良醫。無一人。其所以無全人者。因前人創著醫書。臟腑錯悞。後人遵行立論。病本先失。病本既失。總有繡虎雕龍之筆。裁雲補月之能。病情與臟腑。絕不相符。此醫道無全人之由來也。夫業醫診病。當先明臟腑。嘗閱古人臟腑論。及所繪之圖。立言處處自相矛盾。如古人論脾胃。脾屬土。土主靜而不宜動。脾動則不安。既云脾

動不安。何得下文又言脾聞聲則動。動則磨胃化食。脾不動則食不化。論脾之動靜。其錯悞如是。其論肺虛如蜂窠。下無透竅。吸之則滿。呼之則虛。既云下無透竅。何得又云肺中有二十四孔。行列分佈。以行諸臟之氣。論肺之孔竅。其錯悞又如是。其論腎有兩枚。卽腰子。兩腎爲腎。中間動氣爲命門。既云中間動氣爲命門。何得又云左腎爲腎。右腎爲命門。兩腎一體。如何兩立其名。有何憑據。若以中間動氣爲命門。藏動氣者。又何物也。其論腎錯悞又如是。其論肝。左右

有兩經。卽血管。從兩脇肋起。上貫頭目。下由少腹環繞陰器。至足大指而止。旣云肝左右有兩經。何得又云肝居於左。左脇屬肝。論肝分左右。其錯悞又如是。其論心爲君主之官。神明出焉。意藏於心。意是心之機。意之所專曰志。志之動變曰思。以思謀遠曰慮。用慮處物曰智。五者皆藏于心。旣藏于心。何得又云脾藏意。智。腎主伎巧。肝主謀慮。胆主決斷。據所論處處皆有靈機。究竟未說明生靈機者何物。藏靈機者何所。若用靈機。外有何神情。其論心如此含混。其論胃

主腐熟水谷。又云脾動磨胃化食。胃之上口。名曰賁門。飲食入胃。精氣從賁門上輪于脾。脾宣播于諸脉。此段議論。無情無理。胃下口名曰幽門。卽小腸上口。其論小腸爲受盛之官。化物出焉。言飲食入小腸化糞。下至闕門。卽小腸下口。分別清濁。糞歸大腸。自肛門出。水歸膀胱爲尿。如此論尿從糞中滲出。其氣當臭。嘗用童子小便。並問及自飲小便之人。只言味鹹。其氣不臭。再者食與水合化爲糞。糞必浠漉作瀉。在雞鴨無小便則可。在馬牛有小便則不可。何況乎人。

看小腸化食。水自闌門出一節。真是千古笑談。其論心包絡。細筋如絲。與心肺相連者。心包絡也。又云。心外黃脂。是心包絡。又云。心下橫膜之上。豎膜之下。黃脂。是心包絡。又云。膈中有名無形者。乃心包絡也。既云有名無形。何得又云。手中指之經。乃是手厥陰心包絡之經也。論心包絡。竟有如許之多。究竟心包絡。是何物。何能有如許之多耶。其論三焦。更爲可笑。靈樞曰。手少陰三焦主乎上。足太陽三焦主乎下。已是兩三焦矣。難經三十一難。論三焦。上焦在胃之上。主

內而不出。中焦在胃中脘。主腐熟水穀。下焦在臍下。主分別清濁。又云三焦者。水穀之道路。此論三焦是有形之物。又云兩腎中間動氣。是三焦之本。此論三焦是無形之氣。在難經一有形一無形。又是兩三焦。王叔和所謂有名無狀之三焦者。蓋由此也。至陳無擇以臍下脂膜爲三焦。袁淳甫以人身著內一層形色最赤者爲三焦。虞天民指空控子爲三焦。金一龍有前三焦後三焦之論。論三焦者。不可以指屈有形無形。諸公尚無定準。何得云手無名指之經。是手少

陽三焦之經也。其中有自相矛盾者。有後人議駁而
未當者。總之本源一錯。萬慮皆失。余嘗有更正之心。
而無臟腑可見。自恨著書不明臟腑。豈不是癡人說
夢。治病不明臟腑。何異于盲子夜行。雖竭思區畫。無
如之何。十年之久。念不少忘。至嘉慶二年丁巳。余年
三十。四月初旬。遊于灤州之稻地鎮。其時彼處小兒
正染瘟疹痢症。十死八九。無力之家。多半用代蓆裹
埋。代蓆者。代棺之蓆也。彼處鄉風。更不深埋。意在犬
食。利于下胎不死。故各義塚中。破腹露臟之兒。日有

百餘。余每日歷馬過其地。初未嘗不掩鼻。後因念及古人所以錯論臟腑。皆由未嘗親見。遂不避污穢。每日清晨。赴其義塚。就羣兒之露臟者。細視之。犬食之餘。大約有腸胃者多。有心肝者少。互相叅看。十人之內。看全不過三人。連視十日。大約看全不下三十餘人。始知醫書中所繪臟腑形圖。與人之臟腑。全不相合。卽件數多寡。亦不相符。惟胃中膈膜一片。其薄如紙。最關緊要。及余看時。皆以破壞。未能驗明。在心下。是斜。是正。最爲遺憾。至嘉慶四年六月。余在奉

天府有遼陽州一婦年二十六歲。因瘋疾打死其夫。與翁解省擬劄。跟至西關。忽然醒悟。以彼非男子。不忍近前。片刻行刑者提其心與肝肺。從面前過。細看與前次所看相同。後余在京時。嘉慶庚辰年。有打死其母之劄犯。行刑于崇文門外。吊橋之南。却得近前。及至其處。雖見臟腑。膈膜已破。仍未得見。道光八年五月十四日。劄逆犯張格爾。及至其處。不能近前。自思一簣未成。不能終止。不意道光九年十二月十三日夜間。有安定門大街板廠胡同恒宅。請余看症。因

談及膈膜一事。留心四十年。未能審驗明確。內有江寧布政司恒敬公。言伊曾鎮守哈密。領兵于喀什噶爾。所見誅戮逆尸最多。干膈膜一事。知之最悉。余聞言喜出望外。卽拜叩而問之。恒公鑒余苦衷。細細說明形狀。余于臟腑一事。訪驗四十二年。方得的確。繪成全圖。意欲刊行于世。惟恐後人未見臟腑。議余故叛經文。欲不刊行。復慮後世業醫受禍。相沿又不知幾千百年。細思黃帝慮生民疾苦。平素以靈樞之言。下問岐伯。鬼臾區。故名素問。二公如知了的確。可對

君言知之不確。須待叅考。何得不知妄對。遺禍後世。繼而秦越人著難經。張世賢割裂河圖洛書爲之圖註。謂心肝肺以分兩計之。每件重幾許。大小腸以尺丈計之。每件長若干。胃大幾許。容谷幾斗。幾升。其言彷彿似真。其實臟腑未見。以無憑之談。作欺人之事。利己不過虛名。損人却屬實禍。竊財猶謂之盜。偷名豈不爲賊。千百年後。豈無知者。今余刻此圖。並非獨出已見。評論古人之短長。非欲後人知我。亦不避後人罪我。惟願醫林中人。一見此圖。胸中雪亮。眼底光





明臨症有所遵循。不致南轅北輒。出言含混。病或少失。是吾之厚望。幸仁人君子鑒而諒之。

肯


道光庚寅孟冬直隸玉田縣王清任書於京邸知一堂

古人所繪臟腑形圖如此

肺六葉兩
耳凡八葉




余將親見諸臟腑顯隱之形繪於其後




膽附肝之形



肝左三葉右四葉




左氣門右氣門兩管肺中二管合
由心左轉出橫行後接衝總管




心長在氣管之下非在肺管
之下心與肺葉上接齊

膈膜以上僅止肺心
左右氣門餘無他物



其餘皆膈膜以下物
人身膈膜是上下界物

肺管至肺分兩枝入
肺兩葉直貫到底皆有節




兩大葉大面而背小
面而胸上有四尖而
胸下一小片亦何胸

肺外皮實無透氣
亦無行氣之二十四孔


肺內所有皆輕浮心
沫至膈沫而形無體

肝四葉
胆附于
肝右邊
第二葉




總提長於胃上肝
又長于總提之
上大面向上後
連于背肝體堅
定非腸胃膀胱
可比絕不能藏血

胃府之體質
 上口賁門在
 胃上正中下
 口曲門亦在
 胃上偏右此
 門之左寸許
 名津門胃內
 津門之左有
 痞痞如大是
 連胃胃外津
 門左各總提
 肝連于其上




胃在腹是
 平鋪卧長
 上口向脊
 下口向右
 底向腹連
 出水道

氣府俗名錫冠油
 下枝抱小腸氣府
 內小腸外乃存元
 氣之所元氣化
 食人身生命
 之根全在于此




此係小腸外氣所化之氣

中是龍管
 水由龍管
 分流而
 出水道由
 出水道而
 出水入膽
 脫為尿



出水道中
 有血管
 其餘
 皆像
 水管



胃中有管
 體像玲瓏
 易于出水
 故名龍管




脾之長短與胃
 相等脾中開
 一管即是脾
 管另而龍管
 者謂有出水道
 令人易辨也



而腎四處有
氣管而根通
衝陽管而傍
腎雖堅其內
無孔故絕不
能藏精



舌後白片
名曰會厭
乃通氣左
右氣門喉
門之物



此左右兩管通兩肺

此十二短管通脊骨

此係衛總管即氣管俗名腰管

衛總管

由此清

處接

左而出

此細管係榮總管即血管

榮總管由此清處入血府

上一管

通氣府

下一管

通精道

此左右兩管通兩腎

此左右兩管通兩腿

古人言經絡是血管由每臟腑向外長兩根惟膀胱長四根余親見百餘臟腑並無向外長血管之形故書於圖後以記之

會厭左氣門右氣門衛總管榮總管氣府血府配
欲知臟腑體質先明出氣入氣與進飲食之道路古
人謂舌根後名曰喉喉者候也候氣之出入卽肺管
上口是也喉之後名曰咽咽者嚥也嚥飲食入胃卽
胃管上口是也謂咽以納食喉以納氣爲千古不易
之定論自靈素至今四千年來無人知其錯而改正
者如咽喉飲食入胃人所共知惟喉候氣之出入一
節殊欠明白不知肺兩葉大面向背上有四尖向背
下一小片亦向背肺管下分爲兩枝入肺兩葉每枝

分九中杈。每中杈分九小杈。每小杈長數小枝。枝之盡頭處並無孔竅。其形彷彿麒麟菜。肺外皮亦無孔竅。其內所存皆輕浮白沫。肺下實無透竅。亦無行氣之二十四孔。先賢論吸氣則肺滿。呼氣則肺虛。此等錯悞。不必細辯。人氣向裏吸。則肚腹滿大。非肺滿大。氣向外呼。則肚腹虛小。非肺虛小。出氣入氣。吐痰。吐飲。唾津。流涎。與肺毫無干涉。肺管之後。胃管之前。左右兩邊凹處。有氣管兩根。其粗如筋。上口在會厭之下。左曰左氣門。右曰右氣門。痰飲津涎。由此氣管而

出。古人誤以咳嗽喘噎哮吼等症爲肺病者。因見其
症自胃中來。再者臨症。查有外感。用發散而愈。有燥
痰。用清涼而愈。有積熱。用攻下而愈。有氣虛。用補中
而愈。有陰虧。用滋陰而愈。有瘀血。用逐瘀而愈。揚揚
得意。立言著書。以爲肺病無疑。不知左氣門。右氣門
兩管由肺管兩傍。下行至肺管前面半截處。歸並一
根。如樹兩杈歸一本。形粗如筋。下行入心。由心左轉
出。粗如筆管。從心左後行。由肺管左邊。過肺入脊前。
下行至尾骨。名曰衛總管。俗名腰管。自腰以上。向腹

長兩管。粗如筋。上一管通氣府。俗名雞冠油。如倒提雞冠花之壯。氣府乃抱小腸之物。小腸在氣府是橫長。小腸外氣府內。乃存元氣之所。元氣卽火。火卽元氣。此火乃人生命之源。食由胃入小腸。全仗元氣蒸化。元氣足則食易化。元氣虛則食難化。此記向腹之上一管。下一管。大約是通男子之精道。女子之子宮。獨此一管。細心查看。未能查驗的確。所以疑似。以俟後之業醫者。倘遇機會。細心查看再補。衛總管對背。心兩邊有兩管。粗如筋。向兩肩長。對腰有兩管通連。

兩腎腰下有兩管通兩膝腰上對脊正中有十一短
管連脊此管皆行氣行津液氣足火旺將津液煎稠
稠者名曰痰氣虛火衰不能煎熬津液津液必稀稀
者名曰飲痰飲在管總以管中之氣上攻上行過心
由肺管前氣管中出左右氣門痰飲津涎本氣管中
物古人何以悞爲肺中物因不知肺管前有氣管相
連而長止知痰飲津涎自胃中來便疑爲肺中物總
是未親見臟腑之故手握足步頭轉身搖用行舍藏
全憑此氣人氣向裏吸則氣府滿氣府滿則肚腹大

氣向外呼則氣府虛。氣府虛則肚腹小。衛總管行氣之府。其中無血。若血歸氣府。血必隨氣而出。上行則吐血。衄血。下行則溺血。便血。衛總管之前相連而長。粗如筋。名曰榮總管。卽血管盛血。與衛總管長短相等。其內之血。由血府灌溉。血府卽人胸下膈膜一片。其薄如紙。最爲堅實。前長與心口凹處齊。從兩脇至腰上。順長如坡。前高後低。低處如地。池中存血。卽精汁所化。名曰血府。精汁詳胃津門條下。前所言會厭。卽舌後之白片。乃遮蓋左右氣門喉門之物也。

津門津管遮食總提瓏管出水道記

咽下胃之一物。在禽名曰嗉。在獸名曰肚。在人名曰胃。古人畫胃圖。上口在胃上。名曰賁門。下口在胃下。名曰幽門。言胃上下兩門。不知胃是三門。畫胃豎長。不知胃是橫長。不但橫長。在腹是平鋪卧長。上口賁門向脊。下底向腹。下口幽門亦在胃上。偏右脇向脊。幽門之左。寸許。另有一門。名曰津門。津門上有一管。名曰津管。是由胃出精汁水液之道路。津管一物。最難查看。因上有總提遮蓋。總提俗名胰子。其體長于

賁門之右、幽門之左、正蓋津門、總提下前連氣府提小腸、後接提大腸、在胃上、後連肝、肝連脊、此是膈膜以下、總提連貫胃肝大小腸之體質、飲食入胃、食留於胃、精汁水液、先由津門流出入津管、津管寸許外、分三杈、精汁清者入髓、府化髓精汁濁者由上杈、卧則入血府、隨血化血、其水液由下杈、從肝之中間、穿過入脾、脾中間有一管、體相玲瓏、名曰瓏管、水液由瓏管分流兩邊、入出水道、出水道形如魚網、俗名網油、水液由出水道滲出、沁入膀胱、化而爲尿、出水道

出水一段。體查最難。自嘉慶二年看臟腑時。出水道有滿水鈴鐺者。有無水鈴鐺者。于理不甚透徹。以後診病。查看久病壽終之人。臨時有多飲水者。有少飲水者。有不飲水者。故後其水仍然在腹。以此與前所看者參考。與出水道出水一節。雖然近理。仍不敢爲定準。後以畜較之。遂喂遂殺之畜。網油滿水鈴鐺。三四日不喂之畜。殺之無水鈴鐺。則知出水道出水無疑。前言飲食入胃。食留於胃。精汁水液自津門流出。津門既孔如筋大。能向外流精汁水液。稀粥豈不能

流出津門雖孔如筋大其處胃體甚厚四圍靠膈縮小所以水能出而食不能出況胃之內津門之左一分遠有一疙瘩形如棗大名曰遮食乃挽食放水之物待精汁水液流盡食方腐熟漸入小腸化而爲糞小腸何以化食爲糞小腸外有氣府氣府抱小腸小腸外氣府內乃存元氣之所元氣化食此處與前氣府叅看化糞入大腸自肛門出此篇記精汁由胃出津門生精生血水液由瓏管出水道入膀胱爲尿食由胃入小腸元氣蒸化爲糞之原委也

腦髓說

此說玄超

靈機記性不在心在腦一段。本不當說。總然能說。必不能行。欲不說有許多病人不知源。思至此又不得不說。不但醫書論病言靈機發於心。卽儒家談道德言性理。亦未有不言靈機在心者。因始創之人不知心在胷中所辦何事。不知咽喉兩傍有氣管兩根。行至肺管前。歸並一根入心。由心左轉出。過肺入脊。名曰衛總管。前通氣府精道。後通脊。上通兩肩。中通兩胷。下通兩腿。此管乃存元氣與津液之所。氣之出入

由心所過。心乃出入氣之道路。何能生靈機貯記性。靈機記性在腦者。因飲食生氣血長肌肉。精汁之清者化而爲髓。由脊骨上行入腦。名曰腦髓。盛腦髓者。名曰髓海。其上之骨。名曰天靈蓋。兩耳通腦。所聽之聲歸於腦。腦氣虛。腦縮小。腦氣與耳竅之氣不接。故耳虛聾。耳竅通腦之道路中。若有阻滯。故耳實聾。兩目卽腦汁所生。兩目系如線長於腦。所見之物歸於腦。瞳人白色是腦汁下注。名曰腦汁入目。鼻通於腦。所聞香臭歸於腦。腦受風熱。腦汁從鼻流出。涕濁氣。

臭名曰腦漏。看小兒初生時，腦未全，顙門軟，目不靈動，耳不知聽，鼻不知聞，舌不言。至週歲，腦漸生，顙門漸長，耳稍知聽，目稍有靈動，鼻微知香臭，舌能言一二字。至三四歲，腦髓漸滿，顙門長全，耳能聽，目有靈動，鼻知香臭，言語成句。所以小兒無記性者，腦髓未滿。高年無記性者，腦髓漸空。李時珍曰：腦爲元神之府。金正希曰：人之記性皆在腦中。汪訥菴曰：今人每記憶往事，必閉目上瞪而思索之。腦髓中一時無氣，不但無靈機，必死一時。一刻無氣，必死一刻。試看癱

症俗名羊譙風。卽是元氣一時不能上轉入腦髓。抽時正是活人死腦袋。活人者。腹中有氣。四肢抽搐。死腦袋者。腦髓無氣。耳聾眼天弔如死。有先喊一聲而後抽者。因腦先無氣。胸中氣不知出入。暴向外出也。正抽時。胸中有漉漉之聲者。因津液在氣管。腦無靈機之氣。使津液吐嚔。津液逗留在氣管。故有此聲。抽後頭疼昏睡者。氣雖轉入於腦。尚未足也。小兒久病後。元氣虛。抽風。大人暴得氣厥。皆是腦中無氣。故病人毫無知識。以此叅考。豈不是靈機在腦之証據乎。

氣血合脈說

脈之形余以實情告後人若違心裝神仙喪天良評論必遭斥誅

氣府存氣。血府存血。衛總管由氣府行周身之氣。故名衛總管。榮總管由血府行周身之血。故名榮總管。衛總管體厚形粗。長在脊骨之前。與脊骨相連。散佈頭面四肢。近筋骨長。即周身氣管。榮總管體薄形細。長在衛總管之前。與衛總管相連。散佈頭面四肢。近皮肉長。即周身血管。氣在氣府。有出有入。出入者呼吸也。目視耳聽。頭轉身搖。掌握足步。靈機使氣之動轉也。血自血府入榮總管。由榮總管灌入周身血管。

滲於管外其肌肉也。氣管近筋骨生內藏難見。血管近皮肉長外露易見。氣管行氣氣行則動血管盛血靜而不動。頭面四肢按之跳動者皆是氣管並非血管。如兩眉稜骨後凹處俗名兩太陽是處肉少皮連骨。按之跳動是通頭面之氣管。兩足大指次拍之端是處肉少皮連骨。按之跳動是通兩足之氣管。兩手腕橫紋高骨之上是處肉少皮連骨。按之跳動是通兩手之氣管。其管有粗有細有直有曲。各人體質不同。胳膊肘下近手腕肉厚。氣管外露者短。胳膊肘下

近手腕肉薄。氣管外露者長。如外感中人。風入氣管。其管必粗。按之出膚。寒入氣管。管中津液必凝。凝則阻塞其氣。按之跳動必慢。火入氣管。火氣上炎。按之跳動必急。人壯邪氣勝。管中氣多。按之必實。大有力。人弱正氣衰。管中氣少。按之必虛。小無力。久病無生機之人。元氣少。僅止上行頭面。兩手無氣下行。故足面按之不動。若兩手腕氣管上。按之似有似無。或細小如絲。或指下微微亂動。或按之不動。忽然一跳。皆是氣將絕之時。此段言人之氣管。生平有粗細曲直。

之不同。管有短長者。因手腕之內有薄厚也。按之大
小者。虛實也。跳動之急慢者。寒火之分也。前所言。明
明是脈。不言脈者。因前人不知人有左氣門。右氣門。
血府。氣府。衛總管。榮總管。津門。津管。總提。遮食。璇管。
出水道。在腹。是何體質。有何用處。論臟腑。包絡未定
準。是何物。論經絡。三焦未定準。是何物。並不能指明
經絡。是氣管。血管。論脈理。首句便言脈。爲血府。百骸
貫通。言脈是血管。氣血在內流通。周而復始。若以流
通而論。此處血真能向彼處流。彼處當有空隙之地。

有空隙之地。則是血虛。無空隙之地。血流歸於何處。古人並不知脈是氣管。竟著出許多脈訣。立言雖多。論部位一人一樣。並無相同者。古人論脈二十七字。余不肯深說者。非謂古人無容足之地。恐後人對症無談脈之言。診脈斷死生易。知病難。治病之要訣。在明白氣血。無論外感內傷。要知初病傷人何物。不能傷臟腑。不能傷筋骨。不能傷皮肉。所傷者無非氣血。氣有虛實。實者邪氣實。虛者正氣虛。正氣虛當與半身不遂門。四十種氣虛之症。小兒抽風門。二十種氣

虛之症、互相參考。血有虧瘀、血虧必有虧血之因、或因吐血、衄血、或溺血、便血、或破傷流血過多、或崩漏產後傷血過多。若血瘀有血瘀之症可查、後有五十種血瘀症、互相參考。惟血府之血、瘀而不活、最難分別。後半日發燒、前半夜更甚、後半夜輕、前半日不燒、此是血府血瘀。血瘀之輕者、不分四段。惟日落前後燒、兩時再輕者、或燒一時。此內燒兼身熱而言。若午後身涼發燒片刻、乃氣虛參芪之症。若天明身不熱發燒止一陣、乃參附之症。不可混合從事。

心無血說

余友薛文煌字明齋通州人。素知醫。道光十年二月因赴山東來舍辭行。閑談言及古人論生血之源。有言心生血脾統血者。有言脾生血心統血者。不知宗誰。余曰。皆不可宗。血是精汁入血府所化。心乃是出入氣之道路。其中無血。明齋曰。吾兄所言不實。諸物心皆有血。何獨人心無血。余曰。弟指何物心有血。曰古方有遂心丹治癲狂。用甘遂末以豬心血和爲丸。豈不是豬心有血之憑據。余曰。此古人之錯。非心內

之血因刀刺破其心腔子內血流入于心。看不刺破之心內並無血。余見多多。試看殺羊者。割其頸項。不刺心。心內亦無血。又曰。不刺心。何死之速。余曰。滿腔血從刀口流。所以先流者速。繼而周身血退還腔子。所以後流者遲。血盡氣散。故死之速。如人鬪毆破傷。流血過多。氣散血亡。漸至抽風。古人立名曰破傷風。用散風藥。治死受傷者。凶手擬抵。治一個。卽是死兩個。若明白氣散氣亡之義。卽用黃芪半斤。黨參四兩。大補其氣。救一人。豈不是救兩人。朗齋点首而別。

方叙

余不論三焦者無其事也。在外分頭面四肢周身血
管。在內分隔膜上下兩段。隔膜以上心肺咽喉左右
氣門。其餘之物皆在隔膜以下。立通竅活血湯。治頭
面四肢周身血管血瘀之症。立血府逐瘀湯。治胃中
血府血瘀之症。立膈下逐瘀湯。治肚腹血瘀之症。病
有千壯萬態。不可以余爲全書。查証有王肯堂證治
準繩。查方有周定王朱續普濟方。查藥有李時珍本
草綱目。三書可謂醫學之淵源。可讀可記。有國朝之

醫宗金鑑理足方効有吳又可瘟疫論其餘名家雖未見臟腑而攻發補瀉之方効者不少余何敢云著書不過因著醫林改錯臟腑圖記後將平素所治氣虛血瘀之症記數條示人以規矩並非全書不善讀者以余之書爲全書非余悞人是悞余也

通竅活血湯所治之病開列於後

頭髮脫落

傷寒瘟疫病後、頭髮脫落、各醫書皆言傷血、不知皮裡肉外血瘀、阻塞血路、新血不能養髮、故髮脫落、無病脫髮、亦是血瘀、用藥三付、髮不脫、十付必長新髮、

眼疼白珠紅

眼疼白珠紅、俗名暴發火眼、血爲火燒、凝於目珠、故白珠紅色、無論有雲翳無雲翳、先將此藥吃一付、後吃加味止痛沒藥散、一日二付、三兩日必全愈、

醫林已錄 卷一
糟鼻子

色紅是瘀血。無論三二十年。此方服三付可見效。三十付可全愈。舍此之外。並無驗方。

耳聾年久

耳孔內小管通腦。管外有瘀血。靠擠管閉。故耳聾。晚服此方。早服通氣散。一日兩付。三二十年耳聾可愈。

白癰風

血瘀於皮裡。服三五付可不散漫。再長三十付可痊。

紫癰風

血瘀於膚裡治法照白癰風無不應手取效

紫印臉

臉如打傷血印色紫成片或滿臉皆紫皆血瘀所致如三五年十付可愈若十餘年三二十付必愈

青記臉如墨

血瘀症長於天庭者多三十付可愈白癰紫癰紫印青記自古無良方者不知病源也

牙疳

牙者骨之餘養牙者血也傷寒瘟疫痘疹痞塊皆能

燒血。血瘀牙床紫。血死牙床黑。血死牙脫。人豈能活。再用涼藥凝血。是促其死也。遇此症。將此藥晚服一付。早服血府逐瘀湯一付。白日前煎黃芪八錢。徐徐服之。一日服完。一日三付。三日可見効。十日大見効。一月可全愈。總然牙脫五七個。不穿腮者皆可活。

出氣臭

血府血瘀。血管血必瘀。氣管與血管相連。出氣安得不臭。卽風從花裡過來香之義。晚服此方。早服血府逐瘀湯。三五日必效。無論何病。聞出臭氣。照此法治。

婦女乾勞

經血三四月不見。或五六月不見。咳嗽喘。飲食減少。四肢無力。午後發燒。至晚尤甚。將此方吃三付。或六付。至重者九付。未有不全愈者。

男子勞病

初病四肢痠軟無力。漸漸肌肉消瘦。飲食減少。面色黃白。咳嗽吐沫。心煩急躁。午後潮熱。天亮汗多。延醫調治。始而滋陰。繼而補陽。補之不効。則云虛不受補。無可如何。可笑著書者。不分別因弱致病。因病致弱。

果係傷寒瘟疫大病後氣血虛弱因虛弱而病自當補弱而病可痊本不弱而生病因病久致身弱自當去病病去而元氣自復查外無表症內無裏症所見之症皆是血瘀之症常治此症輕者九付可愈重者十八付可愈吃三付後如果氣弱每日煎黃芪八錢徐徐服之一日服完此攻補兼施之法若氣不甚弱黃芪不必用以待病去元氣自復

交節病作

無論何病交節病作乃是瘀血何以知其是瘀血每

見因血結吐血者。交節亦發。故知之。服三付不發。

小兒疳証

疳病初起。尿如米泔。午後潮熱。日久青筋暴露。肚大
堅硬。面色青黃。肌肉消瘦。皮毛憔悴。眼睛發眵。古人
以此症在大人爲勞病。在小兒爲疳疾。照前症再添
某病。則曰某疳。如脾疳。疳瀉。疳腫。疳痢。肝疳。心疳。疳
渴。肺疳。腎疳。疳熱。腦疳。眼疳。鼻疳。牙疳。脊疳。蛔疳。無
辜疳。丁奚疳。哺露疳。分病十九條。立五十方。方內多
有梔子黃連。羚羊石膏。大寒之品。因論病源。係乳食

過飽。肥甘無節。停滯中脘。傳化遲滯。腸胃漸傷。則生積熱。熱盛成疳。則消耗氣血。煎灼津液。故用大寒以清積熱。余初時對症用方。無一効者。後細閱其論。因飲食無節。停滯中脘。此論是停食。不宜大寒之品。以傳化遲滯。腸胃漸傷。則生積熱之句而論。當是虛熱。又不宜用大寒之品。後遇此症。細心審查。午後潮熱。至晚尤甚。乃瘀血也。青筋暴露。非筋也。現於皮膚者。血管也。血管青者。內有瘀血也。至肚大堅硬成塊。皆血瘀凝結而成。用通竅活血湯。以通血管。用血府逐

痰湯去午後潮熱用隔下逐痰湯消化積塊三方輪服未有不愈者。

通竅活血湯

赤芍 一錢

川芎 一錢

桃仁 三錢 研泥

紅花 三錢

老葱 三根 釋

鮮薑 三錢 切碎

紅棗 七個 去核

麝香 五錢 包

用黃酒半斤將前七味煎一鍾去渣將麝香入酒內再煎二沸臨臥服方內黃酒各處分兩不同寧可多二兩不可少煎至一鍾酒亦無味雖不能飲酒之人亦可服方內麝香市井易于作假一錢真可合一兩

假人又不能辨。此方麝香最要緊。多費數文。必買好的。方妥。若買當門子更佳。大人一連三晚吃三付。隔一日再吃三付。若七八歲小兒。兩晚吃一付。三兩歲小兒。三晚吃一付。麝香可煎三次。再換新的。

方歌。通竅全憑好麝香。桃紅大棗老葱薑。川芎黃酒赤芍藥。表裏通經第一方。

加味止痛沒藥散。治初起眼疼。白珠紅。後起雲翳。

沒藥

三錢

血竭

三錢

大黃

三錢

朴消

三錢

石決明

三錢

爲末分四付早晚清茶調服眼科外症千古一方

通氣散 治耳聾不聞雷聲余三十歲立此方

柴胡

二兩

香附

二兩

川芎

五錢

爲末早晚開水冲

服三錢

血府逐瘀湯所治之病開列於後

頭疼

頭疼有外感必有發熱惡寒之表症發散可愈有積熱必舌乾口渴用承氣可愈有氣虛必似痛不痛用

參芪可愈。查患頭疼者無表症。無裏症。無氣虛痰飲等症。忽犯忽好。百方不効。用此方一劑而愈。

胸疼

胃疼在前面用木金散可愈。後通背亦疼。用瓜蒌薤白白酒湯可愈。在傷寒用瓜蒌陷胃柴胡等皆可愈。有忽然胃疼前方皆不應。用此方一付疼立止。

胃不任物

江西巡撫阿霖公年七十四。夜卧露胃可睡。蓋一層布。歷則不能睡。已經七年。召余診之。此方五付全愈。

有任重物

一女二十二歲。夜臥令僕婦坐於胷方睡。已經二年。余亦用此方三付而愈。設一齊問病源。何以答之。
天亮出汗

醒後出汗。名曰自汗。因出汗醒。名曰盜汗。盜散人之
氣血。此是千古不易之定論。竟有用補氣固表滋陰
降火服之不効。而反加重者。不知血瘀亦令人自汗
盜汗。用血府逐瘀湯一兩付而汗止。

食自胷右下

食自胃管而下。宜從正中。食入咽。有從胃右邊嚥下者。胃管在肺管之後。仍由肺葉之下。轉入肺前。由肺下至肺前。出膈膜入腹。肺管正中。血府有瘀血。將胃管擠靠於右。輕則易治。無碍飲食也。重則難治。擠靠胃管。灣而細。有碍飲食也。此方可効。全愈難。

心裡熱名曰燈籠病

身外涼。心裡熱。故名燈籠病。內有血瘀。認爲虛熱。愈補愈瘀。認爲實火。愈涼愈凝。三兩付血活熱退。

替問

卽小事不能開展卽是血瘀三付可好。

急躁

平素和平有病急躁是血瘀一二付必好。

夜睡夢多

夜睡夢多是血瘀此方一兩付全愈外無良方。

呃逆俗名打咯忒

因血府血瘀將通左氣門右氣門歸並心上一根氣管從外擠嚴吸氣不能下行隨上出故呃氣若血瘀甚氣管閉塞出入之氣不通悶絕而死古人不知病

源以橘皮竹茹湯承氣湯都氣湯丁香柿蒂湯附子
理中湯生薑瀉心湯代赭旋覆湯大小陷胃等湯治
之無一効者相傳略忒傷寒略忒瘟疫必死醫家因
古無良法見此症則棄而不治無論傷寒瘟疫雜症
一見呃逆速用此方無論輕重一付卽効此余之心
法也。

飲水卽噎

飲水卽噎乃會厭有血滯用此方極効古人評論全
錯余詳於痘症條。

不眠

夜不能睡。用安神養血藥治之不効者。此方若神。

小兒夜啼

何得白日不啼。夜啼者血瘀也。此方一兩付全愈。

心跳心忙

心跳心忙。用歸脾安神等方不効。用此方百發百中。

夜不安

夜不安者。將卧則起。坐未穩又欲睡。一夜無寧刻。重者滿床亂滾。此血府血瘀。此方服十餘付可除根。

俗言肝氣病

無故愛生氣。是血府血瘀。不可以氣治。此方應手効。
乾嘔

無他症。惟乾嘔。血瘀之症。用此方化血而嘔立止。

晚發一陣熱

每晚內熱兼皮膚熱一時。此方一付可愈。重者兩付。
血府逐瘀湯

當歸 三錢

生地 三錢

桃仁 四錢

紅花 三錢

只壳 二錢

赤芍 二錢

柴胡 二錢

甘草 二錢

桔梗

一枚

川芎

二錢

牛膝

三錢

水煎服

方歌血府當歸生地桃紅花甘草壳赤芍柴胡芎
牛膝等血化下行不作勞

隔下逐瘀湯所治之症開列於後

積塊

積聚一症不必論古人立五積六聚七癥八瘕之名
亦不議駁其錯駁之未免過煩今請問在肚腹能結
塊者是何物若在胃結者必食也在腸結者燥糞也
積塊日久飲食仍然如故自然不在腸胃之內必在

腸胃之外。腸胃之外。無論何處。皆有氣血。氣有氣管。血有血管。氣無形。不能結塊。結塊者。必有形之血也。血受寒則凝結成塊。血受熱則煎熬成塊。豎血管凝結則成豎條。橫血管凝結則成橫條。橫豎血管皆凝結。必接連成片。片凝日久。厚而成塊。既是血塊。當發燒。要知血府血瘀必發燒。血府血之根本。瘀則殞命。肚腹血瘀不發燒。肚腹血之稍末。雖瘀不致傷生。無論積聚成塊。在左肋右肋。臍左臍右。臍上臍下。或按之跳動。皆以此方治之。無不應手取效。病輕者少服。

病重者多服。總是病去藥止。不可多服。倘病人氣弱。不任尅消。原方加黨參三五錢皆可。不必拘泥。

小兒痞塊

小兒痞塊。肚大青筋。始終總是血瘀爲患。此方與前通竅活血湯。血府逐瘀湯。三方輪轉服之。月餘未有不成功者。

痛不移處

凡肚腹疼痛。總不移動。是血瘀。用此方治之。極效。

卧則腹墜

病人夜臥。腹中似有物。左卧向左邊墜。右卧向右邊墜。此是內有血瘀。以此方爲主。有雜症兼以他藥。

腎瀉

五更天泄三兩次。古人名曰腎泄。言是腎虛。用二神丸。四神丸等藥治之不効。常有三五年不愈者。病不知源是難事也。不知總提上有瘀血。卧則將津門攥嚴。水不能由津門出。由幽門入小腸。與糞合成一處。糞滯澇。故清晨瀉三五次。用此方逐總提上之瘀血。血活津門無攥。水出瀉止。三五付可全愈。

久瀉

瀉肚日久百方不効。是總提瘀血過多。亦用此方。隔下逐瘀湯

靈脂

三錢

當歸

三錢

川芎

三錢

桃仁

三錢 研泥

丹皮

二錢

赤芍

二錢

烏藥

二錢

元胡

一錢

甘草

三錢

香附

三錢

紅花

三錢

只壳

三錢 半

水煎服

方歌隔下逐瘀桃牡丹。赤芍烏藥元胡甘。歸芎靈脂紅花。香附開鬱血亦安。

